

Intervju: mr.sci. Muhdin Mujačić, direktor Visoke škole računarstva i poslovnih komunikacija eMPIRICA u Brčko distriktu BiH

Visoka škola eMPIRICA obrazuje savremene informatičke stručnjake koji mogu odgovoriti zahtjevima tržišta rada

Visoka škola računarstva i poslovnih komunikacija eMPIRICA u Brčko distriktu BiH je ove godine po prvi puta otvorila svoja vrata studentima. O tome šta ova Visoka škola nudi i kakve su mogućnosti studiranja govorimo sa direktorom eMPIRICE, mr.sci. Muhdinom Mujačićem.

Student: *Gospodine Mujačiću, prije svega, želim da vam poželim sretan rad i puno uspjeha u razvijanju visokog obrazovanja u Brčko distriktu. Kažite nam, molim Vas, nekoliko riječi o vašoj Visokoj školi.*

Mujačić: Visoka škola računarstva i poslovnih komunikacija eMPIRICA je rezultat poslovne saradnje osnivača: Fondacije za lokalne poslovne inicijative Flopi iz Brčko distrikta BiH i Visoke škole za poslovne vede iz Ljubljane, R Slovenija. Sa radom je počela u januaru ove godine, dok je nastava za našu prvu generaciju studenata u akademskoj 2012./2013. godini počela svečanim akademskim časom 8. oktobra 2012. godine. Visoka škola eMPIRICA nudi studiranje na dva studijska programa i to: Inženjerska informatika i Poslovna informatika, dok studenti mogu birati da li će nastavu pohađati kao redovni studenti ili putem studija na daljinu.

Visoku školu eMPIRICA smo osnovali sa željom da postane autoritativna obrazovna i naučna institucija, koja će permanentno raditi na razvoju prestižnog imidža njegujući visok stepen akademskih, ljudskih i institucionalnih vrijednosti.

Student: *Recite nam nešto više o specifičnostima studijskih programa koje eMPIRICA nudi.*

Mujačić: Već se pokazalo da je najviše studenata privukla mogućnost dobijanja dvojne diplome na studijskom programu Poslovna informatika, te edukacija za potrebe sticanja priznatih industrijskih certifikata (*Cisco Networking Academy* program) u okviru studijskog programa Inženjerska informatika, a što će im omogućiti da biraju zaposlenje u Bosni



Direktor eMPIRICE, mr.sci. Muhdin Mujačić

i Hercegovini, zemljama regiona, kao i zemljama Evropske Unije. Upravo to predstavlja specifičnost naših studijskih programa jer transnacionalni studij Poslovne informatike jedini u BiH nosi dvojni BiH-slovenačku diplomu dok studij Inženjerske informatike jedini u BiH educira studente i u okviru Cisco akademije mrežnih tehnologija kroz sam studijski program, i to besplatno. Sam proces sticanja odobrenja za izvođenje transnacionalnog studija za studijski program Poslovna informatika je bio dugotrajan i zahtjevan. Naime, ovo odobrenje je izdala Nacionalna agencija Republike Slovenije za kvalitetu u visokom obrazovanju NAKVIS (www.nakvis.si), no prije toga je Visoka

škola eMPIRICA morala dokazati kvalitetu nastavnog kadra, fizičkih resursa, te kvalitetu procesa i precedura.

Šta, konkretno, ovo odobrenje predstavlja za naše studente? Ono znači da će studenti Visoke škole eMPIRICA na studijskom programu Poslovna informatika dobiti dvojni diplomu po završetku školovanja, ali ono također znači i da će imati iste mogućnosti kao i studenti Visoke škole za poslovne vede iz Ljubljane, kada je riječ o uključivanju u Erasmus program razmjene studenata, u kojem participira Visoka škola za poslovne vede iz Ljubljane.

Što se tiče studijskog programa Inženjerska informatika, kao što sam već spomenuo, to je jedini studijski program u BiH koji, u okviru svog nastavnog plana, studentima omogućava besplatno pohađanje programa Cisco akademije u okviru naše lokalne Cisco akademije VS eMPIRICA, čime se oni pripremaju za uspješno polaganje Cisco industrijskog certifikata. Polaganjem semestralnih ispita na CCNA programu Cisco akademije naši studenti istovremeno dobijaju diplome Cisco akademije i ocjene na odgovarajućim predmetima studija, na kojima se izučava predmetna materija.

Želim napomenuti da su Cisco certifikati veoma važni u IT industriji jer garantuju posjedovanje praktičnih i teoretskih znanja neophodnih za kvalitetno projektovanje mrežnih sistema, njihovu uspostavu i održavanje u institucijama i firmama svih djelatnosti. Osim toga, ovi certifikati su priznati u cijelom svijetu.



Nastavnici na svečanom akademskom času

Student: Da li je studentima omogućeno sticanje i drugih certifikata iz oblasti informacijskih tehnologija?

Mujačić: Da, i to ne samo studentima nego i svima drugima koji su zainteresirani za IT industrijske certifikate. Naime, eMPIRICA je u novembru ove godine postala autorizirani testni centar CERTIPORT. Kroz ovaj testni centar moguće je polagati ispite za sticanje niza industrijskih certifikata za

Microsoft proizvode, Adobe, Autodesk i druge. Ono što planiramo za iduću godinu je da kroz našu Akademiju cjeloživotnog učenja eMPIRICA kreiramo i niz kurseva koji će biti priprema za polaganje navedenih ispita. Već smo u završnoj fazi priprema za pokretanje Microsoft MTA akademije, koja će biti podloga za sticanje vrijednog MTA (*Microsoft Technology Associate*) certifikata.

Kako su nam naši studenti uvijek u fokusu, njima odobravamo značajne popuste za testiranja sa ciljem sticanja navedenih IT certifikata.

Student: Da li mi možete nešto reći o starosnoj strukturi studenata Visoke škole eMPIRICA?

Mujačić: Primjetno je da smo privukli uglavnom veoma mlade ljude, buduće profesionalce u polju IT industrije, koji su željni usvajanja kako teorijskog tako i praktičnog znanja i vještina koje Visoka škola eMPIRICA nudi. Za većinu naših studenata je Visoka škola eMPIRICA predstavljala prvi odabir visokoškolske institucije



Studenti na svečanom akademskom času

na kojoj su željeli nastaviti svoje školovanje. No, jedan određeni dio studenata je već studirao na drugim visokoškolskim ustanovama u BiH ali su prepoznali kvalitetu naših nastavnih programa i jedan sasvim nov i savremen pristup izvođenju visokog obrazovanja na teritoriji BiH, te su odlučili svoje daljnje obrazovanje povjeriti nama. Njima je Visoka škola eMPIRICA omogućila priznavanje znanja koje su već stekli, kroz prepoznavanje/ekvivalenciju položenih predmeta. Naravno, priznati su oni predmeti koji su odgovarali strukturi i sadržaju našeg nastavnog programa, i to u cjelosti ukoliko je predmet prepoznat u iznosu od 80% i više ili djelomično ukoliko su predmeti bili prepoznati u iznosu od 50%-80%. U ovom drugom slučaju, studenti imaju obavezu dodatno položiti samo neprepoznate dijelove predmeta.

Osim toga, imao je važećeg Cisco industrijskog certifikata Visoka škola eMPIRICA priznaje četiri položena predmeta koji se na našem studijskom programu Inženjerske informatike slušaju prema programu Cisco akademije mrežnih tehnologija (CCNA program).

Student: Spomenuli ste da je nastava počela u oktobru. Kakvi su prvi dojmovi?

Mujačić: Ponosni smo što možemo reći da smo u potpunosti spremni dočekali prvu generaciju studenata Visoke škole eMPIRICA. Nastavu u prostorijama naše škole organizujemo svakodnevno za naše redovne studente, sa pažljivo biranim akademskim kadrom. Na prvoj godini studija nastavu izvodi 14 nastavnika i asistenata, a već od drugog semestra se u nastavu počinju uključivati i naši nastavnici iz inostranstva – priznati profesori i stručnjaci iz R Hrvatske, R Slovenije, R Austrije i SAD-a.

Kod studenata koji su odabrali studij na daljinu, pokazujemo izvjesnu dozu fleksibilnosti i nastojimo raspored aktivnosti uskladiti sa njihovim privatnim obavezama jer smo svjesni da je većina naših studenata na daljinu zaposlena. Stoga, sadržaje za te studente obično planiramo i održavamo u popodnevnom/večernjim satima i vikendom.

Za sve naše studente redovno organizujemo i konsultativnu *face-to-face* nastavu te pripreme za testove, a sve sa ciljem da pomognemo studentima da što bolje i kvalitetnije usvoje znanja koja će im biti potrebna u njihovom profesionalnom radu. Po veoma dobrom odzivu studenata i po njihovom aktivnom sudjelovanju u takvim aktivnostima zaključujemo da je to upravo ono što je studentima potrebno.

Student: Objasnite nam, molim Vas, na koji način izvodite studij na daljinu.

Mujačić: Visoka škola eMPIRICA izvodi studij na daljinu uz korištenje vlastite platforme za e-učenje – eCampus (www.ecampus.ba) na koju smo postavili e-kurseve sa atraktivnim multimedijским sadržajima, a nastavu izvodi nastavno osoblje posebno trenirano u oblasti e-učenja. Za pristup sadržajima na ovoj platformi, studentima su potrebni samo pristup Internetu te korisničko ime i lozinka, koji su dodijeljeni svakom našem studentu prilikom upisa na Visoku školu eMPIRICA.



Cisco akademija i Certiport testni centar

Putem ove platforme, studenti svakodnevno imaju pristup e-gradivu u sklopu kojeg se ne nalaze samo nastavni materijali vezani za dotični predmet, već i interaktivni sadržaji, kao što su motivacijska pitanja i samoevaluacijski testovi. Sadržaji na eCampus platformi obuhvataju i animacije, druge interaktivne sadržaje, video-bazirana multimedijška predavanja, a sve sa ciljem pružanja što kvalitetnijih uslova za učenje. Na taj način je studentima omogućeno da u kontinuitetu rade i provjeravaju svoje znanje na eCampusu. Ukoliko, ipak, dođe do bilo kakvih nejasnoća vezanih za gradivo, studenti imaju mogućnost pristupa *on-line* konsultacijama bilo putem unaprijed zakazanih pričaonica ili putem slanja osobnih poruka predavačima ili asistentima pojedinih predmeta. Studenti na daljinu se motiviraju na kontinuirani rad na eCampusu na različite načine, kroz dodjelu bodova za aktivnosti u učenju, periodične evaluacijske testove, učestvovanje u sinhronoj i asinhronoj komunikaciji, i slično. Svakom studentu na daljinu je dodijeljen tutor, koji kontinuirano prati njegove aktivnosti u nastavnom procesu, te su direktan kontakt studentima u slučaju bilo kakvih problema u učenju ili pri upotrebi tehnologija u učenju na daljinu.

Student: Šta biste na kraju poručili vašim budućim studentima?

Mujačić: Kao prvo, pozivam ih da se uvjere u sve što je ovdje navedeno; da nas posjete, razgovaraju na našim studentima, nastavnim i administrativnim osobljem, posjete naše moderne prostorije, a nalazimo se u zgradi Kvarar, Bulevar mira bb, u Brčkom, te da prate novosti na našoj web stranici: www.empirica.ba. Buduće studente savjetujem da razmisle o svojoj budućnosti i opredijele se za studij koji će im pružiti savremena znanja i vještine, te ih osposobiti da dobiju siguran i atraktivan posao odmah nakon diplomiranja. Na Visokoj školi eMPIRICA smo upravo objavili konkurs za predupis studenata za akademsku 2013./2014. godinu, tako da budući studenti već sada mogu sebi rezervirati mjesto za studij na jednom od naših jedinstvenih studijskih programa. Dragi budući studenti, odabirom da studirate na našoj visokoškolskoj ustanovi napravite pravi izbor!

Alma Hanušić, redovan student, Poslovna informatika: eMPIRICA nudi aktuelna i upotrebljiva znanja i iskustva, ali isto tako traži znanje od nas studenata

Što se tiče nastave, predavanja i vježbi, jako su dobro organizovane. Dosta časova imamo praktične nastave - vježbi, što je jako dobro, jer smatram da tako možemo više zapamtiti i naučiti. Dobro je to što možemo koristiti eCampus sistem na kojem se nalazi sav teorijski dio koji radimo na predavanjima i vježbama, i uvijek nam je dostupan. Također, profesori i asistenti su uvijek spremni pomoći i riješiti sve nejasnoće, što nam uveliko olakšava sve što nas očekuje. eMPIRICA nam nudi aktuelna i upotrebljiva znanja i iskustva, ali isto tako traži od nas određen stepen znanja; ali neko osnovno znanje i znanje iz srednje škole, mislim da je dovoljno za upis na ovaj fakultet. Samo je potrebna želja i volja. Jako sam zadovoljna ovim fakultetom.



Alma Hanušić

Muhamed Poljaković, redovan student, Inženjerska informatika: Profesori i asistenti su uvijek otvoreni za komunikaciju

Budući da sam prva generacija nisam mogao previše očekivati ali već sada vidim da mogu naučiti sve što je potrebno o računarstvu i poslovanju na eMPIRICI. Sviđa mi se raspored i fleksibilna atmosfera koja vlada na fakultetu. Jedino što bih promijenio je da mi vikend bude slobodan odnosno da nemam predavanja subotom. Nastava je zanimljiva i u skladu sa vremenom. Nijedna škola nije laka, i ovdje se od studenata traži trud i znanje, ali ovdje su asistenti i profesori otvoreni za komunikaciju i diskutovanje, zbog toga bih eMPIRICU preporučio svim budućim studentima.



Muhamed Poljaković



eMPIRICA - VISOKA ŠKOLA
RAČUNARSTVA I POSLOVNIH
KOMUNIKACIJA

SA VISOKOM ŠKOLOM RAČUNARSTVA I POSLOVNIH
KOMUNIKACIJA eMPIRICA POSTANITE
ISTINSKI INFORMATIČKI STRUČNJAK

STUDIRAJTE SA ZADOVOLJSTVOM I DOBIJTE
ATRAKTIVAN POSAO ODMAH NAKON DIPLOMIERANJA

Studijski programi:
(180 ECTS)

Inženjerska informatika
(sa CISCO akademijom)

Redovan studij
Studij na daljinu

Poslovna informatika
(sa dvojnog BIH-EU diplomom)

CERTIPORT
Autorizirani testni centar



Lokalna Cisco akademija
CISCO
VS eMPIRICA



Bulevar mira bb (Kvadar)
76100 Brčko, Brčko distrikt
Bosna i Hercegovina

Tel: +387 49 230 111 +387 63 043 088
e-mail: empirica@empirica.ba
web: www.empirica.ba